





LUTKA 2

SIPA uhapsila predsjednika SBB BiH zbog ometanja rada pravosuđa

# UHAPŠEN Fahrudin Radončić



Radončić je uhapšen na području općine Hadžići, nakon čega je priveden u službene prostorije SIPA-e. Pretresene tri lokacije u Sarajevu, a među njima i redakcija Dnevnog avaza

> str. 2-3.

**LUTKA 2** **SIPA** po nalogu Tužilaštva BiH lišila slobode predsjednika SBB-a

# Fahrudin Radončić uhapšen zbog ometanja rada pravosuđa

Radončić je osumnjičen za krivično djelo ometanje rada pravosuđa. Maskirani pripadnici SIPA-e redakciju Dnevnog avaza, a prema informacijama iz SIPA-e lider SBB-a je uhapšen na području

PIŠE ELMA DUVNJAK-ŠALAKA

**F**ahrudin Radončić, predsjednik Saveza za promjene BiH uhapšen je jučer na području Hadžića zbog sumnje da je počinio krivično djelo ometanje rada pravosuđa.


Radončića su uhapšili službenici Agencije za istrage i zaštitu (SIPA), po nalogu Tužilaštva Bosne i Hercegovine. Priveden je u službene prostorije SIPA-a, gdje je podvrgnut kriminalističkoj obradi.

## Hapšenje Dautbašića

Kako je saopćeno iz SIPA-e, riječ je o nastavku akcije „Lutka 2“, koja je počela 11. januara, kada su uhapšeni Bakir Dautbašić, sekretar Ministarstva sigurnosti BiH i Bilsena Šahman. Oboje su članovi SBB-a i uhapšeni su zbog ometanja rada pravosuđa u predmetu protiv Namera Keljmenđija. Dautbašić je kandidat SBB BiH za državnog ministra prometa i komunikacija, a trenutno se nalazi u pritvoru.

Njih dvoje su od svjedokinje Azre Sarić, nekadašnje djevojke ubijenog Ramiza Delalića Čele, tražili da u svjedočenju u procesu protiv Namera Keljmenđija, koji se vodi pred pravosudnim institucijama Kosova, ne spominje Fahrudina Radončića. Rečeno joj je i da zaštititi Keljmenđija, kojem se sudi i za ubistvo Ramiza Delalića Čele.

-Azra Sarić u iskazu potvrđuje da se po pozivu Bakira Dautbašića dogovorila da održi sastanak u restoranu na Grbavici. Onda je osumnjičeni



RADONČIĆ: Uhapšen u Hadžićima

Dautbašić putem osumnjičene Bilsene Šahman naknadno odlučio da taj sastanak zbog tajnosti bude održan u stanu svjedokinje na Sudu BiH povodom predmeta protiv

Prilikom ovog sastanka, Šahman i Dautbašić su zatražili od svjedokinje da u svom svjedočenju na Sudu BiH povodom predmeta protiv

Nasera Keljmenđija zaštititi njihovog šefa Fahrudina Radončića.

Dana 17. decembra u 17.20 sati osumnjičena Bilsena Šahman ponovo poziva svjedokinju Azru Sarić te je obavijestavala da se vraća sa puta iz Banje Luke za Sarajevo što je potvrđeno i baznim stanicama telefona osumnjičene Bilsene Šahman te da će se sastati pred hotelom Park u Vogošći gdje su se sastale u 19.45 sati te razgovarale u putničkom vozilu marke Renault Clio bijele boje koji koristi Bilsena Šahman. Tom prilikom Šahman je Sarić saopćila da je njen šef Fahrudin Radončić zatražio da u svjedočenju zaštititi ne samo njega već i Namera Keljmenđija,

DRAGAN ČOVIĆ

## Radončić nam je ovo naznačio

Dragan Čović, predsjedavajući Predsjedništva BiH, komentirao je sinoć u Zenici hapšenje predsjednika SBB-a Fahrudina Radončića.

- Teško mi je bilo šta komentarisati, ali sam siguran da će kolega i prijatelj Radončić znati da se iznese s ovim iskusem - kazao je Čović.

Ističe kako je o dešavanjima u vezi sa privođenjem Radončića upoznat iz medija.

-Nedavno smo pričali zajedno, nas pet-šest predsjednika stranaka i upravo nam je tada kolega Radončić naznačio ovakve aktivnosti - izjavio je Čović.



SIPA pred zgradom Avaza

**Nakon hapšenja Fahrudina Radončića odmah se sastao najuži stranački vrh Saveza za bolju budućnost. Potpredsjednik ove stranke Mirsad Donlagić izjavio je da u SBB BiH smatraju kako je „Radončić nevin“, a hapšenje neprimjerenom demonstracijom sile“**



Pretres u Avazu trajao satima

kazao je državni tužalac Božo Mihajlović na ročištu za određivanje pritvora Dautbašiću i Šahman.

Na pojedinim portalima sinoć su objavljeni i presretnuti razgovori Fahrudina Radončića i Bakira Dautbašića.

Uz hapšenje Radončića, službenici SIPA-e, izvršili su pretrese na tri lokacije. Uz ostalo, nešto prije 15 sati jučer maskirani pripadnici SIPA-e, naoružani dugim cijevima,

pojavili su se i u Avaz Twist Toweru, odnosno u redakciji Dnevnog avaza.

Odatle su izuzeli nekoliko računara i jedan telefon. U prostorijama SIPA-e boravila je i zamjenica glavnog urednika Dnevnog avaza, Indira Čatić. Ona je sinoć oko 19.30 sati napustila službene prostorije SIPA-e u pratnji advokata Vasvije Vidovića.

## SIPA OKONČALA PROVJERU

### Bakir Dautbašić može biti ministar

Bakir Dautbašić i Sead Jusić, barem što se tiče SIPA-e, mogu biti imenovani na dužnosti državnog ministra prometa i komunikacija i zamjenika ministra odbrane. Ovo je navedeno u izvještaju, kojeg je SIPA jučer uputila predsjedavajućem Vijeća ministara BiH Denisu Zvizdiću.

- Ulažući maksimalne napore, SIPA je okončala provjere znatno prije zakonom propisanog roka i, u skladu sa Zakonom o Vijeću ministara BiH, konačni izvještaj prosljedića predsjedavajućem Vijeća ministara

BiH na dalju nadležnost - saopćila je Kristina Jozić, portparolka SIPA-e

Prije desetak dana saglasnost na Dautbašićevo i Jusićevo imenovanje dala je i Centralna izborna komisija. Dautbašić se trenutno nalazi u pritvoru, nakon što su ga uhapšili upravo pripadnici SIPA-e, zbog utjecaja na svjedoke u slučaju suđenja protiv Namera Keljmenđija. Sumnjici se da je zajedno sa Bilsenom Šahman pokušao zastrašiti, te obećati materijalnu korist svjedokinji u ovom predmetu Azri Sarić. A. ŠA.

veza za bolju budućnost

# Hapšen Miroslava Radončića

SA-e sa dugim cijevima pretresali  
kuću općine Hadžići




FOTO: K.SOFTIĆ I M. ŽIVOJEVIĆ



Nakon hapšenja Fahrudina Radončića odmah se sastao najuži stranački vrh Saveza za bolju budućnost.

#### Reformski proces

Potpredsjednik ove stranke Mirsad Donlagić izjavio je da u SBB BiH smatraju kako je „Radončić nevin“, a hapšenje nazvao „krajnje neprimjerenom demonstracijom sile“.

Donlagić se nije izjašnjavao o budućnosti koalicije njegove stranke sa Strankom demokratske akcije. S druge strane, SDA se jučer nije oglašavala o hapšenju Radončića, ali kako nezvanično saznajemo postoji doza zabrinutosti da bi ovaj događaj mogao ugroziti koaliciju i započete reformske procese, naročito u Federaciji Bosne i Hercegovine.